

Մ. Մ. Վաղարյան

ԴՐՎԱԳՆԵՐ ՎԱՐԳԳԵՍ ՍՈՒՐԵՆՅԱՆՑԻ ԿՅԱՆՔԻՑ

Հայ անվանի նկարիչ Վարդգես Սուրենյանցի մասին կենսագրական տվյալները շատ սուղ են: Հրատարակված են Վ. Սուրենյանցի «Հուշարարի» համար դրած մի քանի տողից բաղկացած կենսագրականը, ինչպես նաև Յու. Սուրենյանցի (նկարչի քրոջ) համառոտ հիշողությունները նրա մասին¹: Սակայն հենվելով ՍՍՌԽ Իրականությունների և արվեստի պետական արխիվում, Հենինգրադի մարզի Պետական պատմական և Հենինգրադի Պետական կենտրոնական պատմական արխիվներում, ՀՍՍՌ Պետական Ձեռագրատան և ՀՍՍՌ ԳԱ-ի Իրականությունների և արվեստի թանգարանում պահպանվող նյութերի, ինչպես նաև մամուլում հանդիպող հիշատակությունների վրա, հնարավոր է դարձել շարադրել անվանի արվեստագետի կյանքի և ստեղծագործության մոտավոր պատկերը, որի մի մասը հրապարակում ենք ստորև:

* * *

Վարդգես Սուրենյանցը ծնվել է 1860 թ. փետրվարին՝ Ախալցխայում², նա դեռևս 7 տարեկան էր, երբ հայրը նշանակում է ստանում Սիմֆերոպոլ: Ավագ քահանա Հակոբ Սուրենյանցը ափսոսանքով է թողնում իր երկրորդ ծննդավայր դարձած Ախալցխան³, նրա ուսումնարանները, որտեղ ինքը ջանք չէր խնայել մատաղ սերնդի դաստիարակման համար: Ափսոսանքով է թողնում այն քաղաքը, որի ոսկերիչների նուրբ, մանրակրկիտ աշխատանքը, զմայլեցուցիչ ասեղնադործները Փարիզի և Վիեննայի համաշխարհային ցուցահանդեսներում բազմիցս արժանացել էին բարձր գնահատականների: Որպես քաղաքացի, ուսուցիչ այդ հաջողությունների մեջ իր մասնակցությունն էր ունեցել նաև Հակոբ Սուրենյանցը, որն օգնություն էր հասել իր համաքաղաքացիներին, երբեմն զենքով և հերոսական օրինակով, երբեմն խորհրդով և խրախուսիչ խոսքով:

Սուրենյանցների ընտանիքը բնակություն հաստատելով Սիմֆերոպոլում, հաճախակի լինում էր Թեոդոսիայում, ուր այդ տարիներին սովորում էր Վարդ-

¹ Հայտնի է, որ բանաստեղծ Սիմ. Բարիյանը 1920 թ., Յալթայում, երբ Վ. Սուրենյանցը զրադված էր տեղի նորակառույց հայկական եկեղեցու նկարադարձմամբ, նկարչի թելադրանքով զրի է առել նրա մանրամասն կենսագրությունը և հիշողությունները, սակայն նրանց տեղը այժմ անհայտ է:

² Մի շարք աղբյուրներով Վ. Սուրենյանցը ինքը նշում է, որ ծնվել է 1860 թ. Լենինգրադի մարզի Պետական պատմական արխիվի Հաղարյանների ֆոնդում (№ 890) պահպանվել է Հաղարյան ճեմարանի ուսանողների ցուցակը ըստ դասարանների:

1870 թ. օգոստոսի 24-ին կադմած 1-ին դասարանի ցուցակում կարդում ենք.
№ 22. Варткес Суреньян. 12 лет, из Симферополя, сын протонерия, հավանաբար «12» թիվը թուրքմաղու թյուն է:

³ Սուրենյանցների ընտանիքը 1828 թ. զաղթել էր Կարինից:

գեա Սուրենյանցի ավագ եղբայրը՝ Սուրենը, Փոքրիկ Վարդգեսը Հովհաննես Ալվազովսկու ընտանիքի հետ մասնակցում է դեպի Բախչիսարայ կատարած ճանապարհորդությունը։ Այստեղ նրա վրա մեծ ապավորություն են թողնում գեղանկարչական կիրճում գտնվող Զուրուկ-Սու գետը, Արդուկ Սախալ Գիրեյ խանի կառուցած ավելի քան 350 տարվա պատմություն ունեցող պալատի ներսի շքեղ սրահները, գեղեցիկ այգիները, մարմարյա շատրվանները և հատկապես նշանավոր Արցունքի շատրվանը, որից փոքրիկ Վարդգեսը հետանալ չի կարողանում, այնքան ուժեղ է լինում նրա հիացմունքը։ Տանը, նա անմիջապես ամենալին մանրամասնությամբ նկարում է այդ շատրվանը, որն առաջացնում է հանճարեղ ծովանկարչի հիացմունքը։ Հ. Ալվազովսկին Վարդգեսի կատարածի մեջ տեսնում է ապագա նկարչի սաղմերը և նկարի փոքրիկ հեղինակն արժանանում է իր մեծ բարեկամի գովասանքին՝ նվեր ստանալով առաջին լուղաներկերը։

1870 թ. Հակոբ Սուրենյանցը Վարդգեսին ուղարկում է Մոսկվա՝ Լազարյան ճեմարանում ուսանելու։ Վ. Սուրենյանցի ուսման առաջին տարիների մասին հետաքրքիր տեղեկություններ է հայտնում Ե. Շահազիզը իր հիշողություններում⁴։ Նա մեծ համակրանքով է խոսում «Ժանրարարո», «անսահման համբերող», «բարի, պարկեշտ և խոնարհ» նոր աշակերտի մասին, որին բնությունը զարդարել էր «ալպիսի շնորհքով... այդ նրա արտաքին կարգի նկարչական ընդունակություններն էին... բոլոր ժամանակ նստած նկարում էր ընկերներին, ուսուցիչներին և այլ պատկերներ, և այդ բոլորը զարմանալի նրբությամբ և նմանությամբ»։ Հետաքրքրական է մի դեպք, որը, հավանական է, աղմուկ է բարձրացրել ճեմարանում, քանի որ այդ մասին հիշատակում է և Վ. Սուրենյանցի քուլը⁵ և Ե. Շահազիզը։ Ուսանողը աղա Լազարյանի՝ հերթական այցելություններից մեկի ժամանակ ճեմարան, Վ. Սուրենյանցը կատարում է նրան պատկերող մի դժանկար՝ «տգեղ, հայկական մեծ քթով», այնպիսին, ինչպիսին եղել է նատուրան իրականում։ Ֆրանսերեն ուսուցչի կողմից այդ աստիճան նմանությունը դիտվում է որպես ծաղր, և նրա բարձրացրած աղմուկի հետևանքով նկարի հեղինակն արժանանում է դպրոցական ազատազրկման։

Լազարյան ճեմարանում Վ. Սուրենյանցը մեծ սիրով է ուսումնասիրում հատկապես լեզուները, ընդ որում հայոց լեզուն՝ Սմբատ Շահազիզի, իսկ պարսկերենը՝ Ստ. Նազարյանի մոտ։ Անկասկած, Վ. Սուրենյանցի նկարչական ընդունակությունները խրախուսվում էին Ստ. Նազարյանի կողմից, որը նույնպես նկարչական ձիրք ուներ և դեռևս Ներսիսյան դպրոցում ուսանելու տարիներին ընդօրինակություններ էր կատարել մի շարք գեղանկարչական աշխատանքներից։

1875 թ. հունիսի 13-ին Լազարյան ճեմարանի մանկավարժական խորհուրդը նկատի ունենալով Վարդգես Սուրենյանցի նկարչական ընդունակությունները, որոշում է նրան տալ թոշակ և տեղավորել այն ժամանակ

⁴ «Էջմիածին», 1949, № 5, էջ 30—33։

⁵ Վ. Սուրենյանցի ստեղծագործությունների ցուցահանդեսի կառույց, 1931, Թբլիսի։

⁶ Յ. Ս. Սուրենյանցը դրում է, որ նկարել է Ն. Գ. Դեյանովին՝ Լազարյան ճեմարանի ղեկավարին։

ռուսական զինարվեստական կյանքում խոշոր հեղինակություն ներկայացնող Մոսկվայի նկարչություն, քանդակագործություն և ճարտարապետություն ուսումնարանը:

Այդ մասին հայտնում է Լազարյան ճեմարանի ղեկավար Դեկանոզը Մ. Դ. Աբամելեկ-Լադարեին:

«Согласно постановлению Педагогического Совета, состоявшемуся 13 июня сего года, духовный воспитанник Лазаревского Института 3-го класса Варткес Суреньянц, ввиду отличных его способностей к рисованию и примерного поведения, назначен к перемещению из института или в художественное общество и училище живописи, ваяния и зодчества, или же в Академию наук на счет Лазаревского института, т. е. с выдачею на его воспитание и содержание 300 рублей в год»⁷.

Փալլոն կերպով հանձնելով սահմանված ընդունելության քննությունները՝ հավատի քննություն, թվարանություն 4 վարժություններ, ռուսաց լեզու, Վ. Սուրենյանցը ընդունվում է Մոսկվայի նկարչության, քանդակագործության և ճարտարապետության նախապատրաստական՝ օրիգինալ դասարանը, միաժամանակ ղրադվելով ճարտարապետությանը: Լազարյան ճեմարանում անցած տարրական նկարչությունից հետո Մոսկվայի նկարչության, քանդակագործության և ճարտարապետության ուսումնարանը մի նոր գեղարվեստական աշխարհ էր Սուրենյանցի համար: Մաթեմատիկական առարկաներից, ֆրանսերեն լեզվից, աշխարհագրությունից հետո նա մեծ ոգևորվածությամբ է լսում ճարտարապետ Մ. Դ. Բիկովսկու⁸ զրույցները արվեստի հուշարձանների մասին, կառարում է պավիլիոնների, փայտե տների, գրադարանների, շքամուտքի աստիճանների դանազան նախագծեր և այդ ամենի հետ գեղանկարչության դասեր է ստանում ռուս նշանավոր նկարիչ Ի. Մ. Պրյանիշնիկովի⁹ դասարանում, գծանկարը՝ Ե. Ս. Սորոկինի¹⁰, իսկ շարավր մեկ անգամ մասնակցում է Դալի¹¹ ակվարելային նկարչության դասերին:

Բարեխղճորեն կատարելով առաջին տարվա առաջադրանքները, Վ. Սուրենյանցը փոխադրվում է երկրորդ դասարան: 1877/78 ուսումնական տարում ճարտարապետական ֆակուլտետի երկրորդ դասարանը բաժանվում է 3 կարգի՝ տարվա ծրագիրն ալելի հիմնավոր անցնելու և յուրացնելու նպատակով: Վ. Սուրենյանցն ընկնում է երկրորդ կարգը, ուր տարվա ընթացքում կատարում է հունական, հռոմեական և իտալական օրինակելի շենքերի դետալների ընդօրինակումներ, ինչպես նաև ուսումնասիրում է ճարտարապետության տեսություն: Ե. Ս. Սորոկինի արվեստանոցում գծանկարից ընդօրինակություն-

⁷ ЦГИА в Ленинграде, ф. 880, оп. 5, ед. хр. 252.

⁸ Բիկովսկի Միխայիլ Դորմենտովիչ (1801—1865), Մոսկվայի ճարտարապետական միության հիմնադիրը և առաջին նախագահը: 1830 թ. ճարտարապետություն ուկադեմիկոս: Մոսկվայի նկարչության, քանդակագործության և ճարտարապետության ուսումնարանում դասավանդում էր արվեստների պատմություն:

⁹ Պրյանիշնիկով Իլարիոն Միխայիլովիչ (1840—1894), ժանրային նկարիչ: Պերեդվիժնիկների ընկերության հիմնադիրներից:

¹⁰ Սորոկին Եվգրաֆ Սեմյոնովիչ (1821—1892), ռուս նկարիչ:

¹¹ Դալ Լև Վլադիմիրովիչ (1834—1878), ռուս ճարտարապետ և ճարտարապետական պատմաբան: 1865 թ. ճարտարապետության ակադեմիկոս:

ներ է կատարում հին հունական և հռոմեական քանդակներից: Այդ տարիներին ուսումնարանի նրա ընկերներն էին, հետագայում անվանի ռուս նկարիչներ Վ. Սիմովը, Ի. Լևիտանը, Ս. Կորովինը, Ն. Կասատկինը և ուրիշներ: Վ. Սուրենյանցի ուսանողական տարիներից մեկ է հասել միայն 1878 թ. կատարած մի կնոջ դիմանկար, որը, հավանական է, կատարված է լուսանկարից և գեղարվեստական առանձին արժեք չի ներկայացնում: Իսկ ահա, 1879 թ. մայիսի 31-ին մահանում է Վ. Սուրենյանցի առաջին ուսուցիչներից մեկը Ստ. Նաղարյանը: «Մշակ»-ի թղթակիցը, Մոսկվայից գրած իր թղթակցությունում նկարագրելով մեծ հրապարակախոսի թաղման արարողությունը, գրում է.

«Վերջը, տեղիս երեսփոխան Պ. Փանկյանցի հրավերանոք, որը Նաղարյանի մտերիմ բարեկամներից մեկն է և որ այսօր հանձն էր առել տնօրինել թաղման հանդեսը, հանդիսականները դիմեցին դեպի սեղանատուն: Սա մի դահլիճ է, որի պատերից, բացի հալ թագավորների և կաթողիկոսների պատկերներից, կախ էր արված այդ օրը հանգուցյալ Նաղարյանի մեծադիր պատկերը, շրջապատված ծաղկյա պսակով», ապա ծանոթություն կարգով, ավելացնում է. «Նաղարյանցի այս պատկերը, որպես և նրա գիպսե դիմակը (Гипсовая маска), որը շատ կարևոր է ճիշտ արձան ունենալու համար, մեր տաղանդավոր երիտասարդ նկարիչ Վ. Սուրենյանցի աշխատությունն են»¹²:

Իսկ առաջին հիշատակությունն է Վ. Սուրենյանցի մասին, որ մենք հանդիպում ենք մամուլում, ինչպես նաև հրապարակային առաջին գնահատականը, որը Վ. Սուրենյանցի վրա է հրավիրում արվեստասեր հասարակությունը ուշադրությունը:

Սակայն այդ օրերին Վ. Սուրենյանցի համար ապագան գտնվում էր ծանր քողի ներքո, որովհետև այդ ապագան տնօրինող հալ բուրժուազիայի համար արժեք չէր ներկայացնում շնորհալի պատանու տաղանդը:

1878 թ. հունվարի 3-ին Ն. Դելյանովը հիշեցնում է Ս. Արամելիկ-Լազարևին, քանի որ վերջինս չէր պատասխանել 1875 թ. հոկտեմբերի 17-ի գրությունը՝ Վ. Սուրենյանցին գեղարվեստական կրթություն տալու և Լազարյան ճեմարանի կողմից թոշակ նշանակելու մասին, որի մասին կայացված որոշման ժամկետը արդեն լրացել էր:

1878 թ. հունվարի 18-ին Ս. Արամելիկ-Լազարևը վերոհիշյալ հիշեցմանը պատասխանում է.

«В 1875 г. духовному воспитаннику Варткесу Суреньяну определено было выдать 300 руб. в год из сумм Лазаревского ин-та и пользоваться учением в другом заведении по его выбору, о чем и было сообщено мне в октябре месяце того же 1875 года. Неправильность такого постановления Педаг. Совета я не считал себя вправе тогда оспаривать.

Ныне же по поводу Вашего вопроса определить срок помянутой выдачи нахожу с своей стороны не только справедливым, но даже необходимым с нынешнего же 1878 года прекратить ее, как не согласной с уставом института, предоставив Варткесу Суреньяну пользоваться тою же стипендиєю в Лазаревском ин-те, буде этого он по-

¹² «Մշակ», 1879, № 70:

желает. Сообщая Вам о таком моем мнении в настоящем вопросе, я нахожу совершенно правильным если Педагогический Совет снова вошел бы ныне в рассмотрение его и сделал о том постановление, согласное с моим мнением»¹³.

Զրկվելով թոշակից, բազմաժամ ընտանիքի նյութական սուղ վիճակը ստիպում է Վ. Սուրենյանցին թողնել Մոսկվայի նկարչության, քանդակագործության և ճարտարապետության ուսումնարանը:

Վ. Սուրենյանցի հալը որոշում է որդուն ուղարկել արտասահման՝ Շտուտհարտի, Ծյուրիխի կամ Մյունխենի պոլիտեխնիկական բարձրագույն հաստատություններում սովորելու, նյութական կողմը կապելով մեծ որդուն՝ Սուրենի հետ:

1879 թ. հոկտեմբերի 10-ին, Մոսկվայի գեղարվեստական ընկերության քարտուղարի ստորագրությամբ, Վ. Սուրենյանցին արվում է մի տեղեկանք, որ նա 1876/7 և 1877/8 թթ. սովորել է Մոսկվայի նկարչության, քանդակագործության և ճարտարապետության ուսումնարանում՝ արվեստի գծով գիպսե դուսնների դասարանում, գիտելիքների գծով 3 ըդ դասարանում և զբաղվել է ճարտարապետությամբ¹⁴:

Մոսկվայի ուսումնարանի դեմոկրատական, պրոգրեսիվ մթնոլորտի անշնչելի տպավորությունը հոգում, նկարչական առաջին աշխատանքների խրախուսանքը ճաշակած, Վարդգես Սուրենյանցը 1879 թ. հուլիսին իր ավագ եղբայր Սուրենի ընտանիքի հետ մեկնում է Վիեննա, ապա՝ Մյունխեն:

1879 թ. հուլիսի 29-ին, Վիեննայից իր ավագ ընկերոջը՝ Գրիգոր Խալաթյանին, գրած նամակից պարզվում է¹⁵, որ հասնելով Վիեննա, Սուրենյանցն անմիջապես հետաքրքրվում է տեղի Գեղարվեստների ակադեմիայի ընդունելության պայմաններով, սակայն առաջիմ որոշում է հետևել հոր խորհրդին և ընդունվել որևէ պոլիտեխնիկական բարձրագույն հաստատություն:

Վ. Սուրենյանցի կյանքի մյունխենյան շրջանի մասին տեղեկություններն անչափ սուղ են: Պահպանվել են 3 ավրում, 4 ջրաներկ աշխատանքներ, վերջերս հայտնաբերված մի բնորդի դիմանկար, զանազան ոճի ճարտարապետական սյուների գծագրումներ, մի քանի ընդօրինակումներ և Մյունխենից Գ. Խալաթյանի գրած նամակի սևագրությունը: Պարզվում է, որ Վ. Սուրենյանցը սկզբում սովորել է Մյունխենի բարձրագույն պոլիտեխնիկական դպրոցի ճարտարապետական ֆակուլտետում: Ուսման երկրորդ տարում՝ 1881թ.¹⁶, Վ. Սուրենյանցը թողնում է բարձրագույն պոլիտեխնիկական դպրոցը և ընդունվում է Գեղարվեստի ակադեմիան, ուր սովորում է Օտտո Զեյտցի¹⁷ արվեստանոցում:

¹³ ЦГИА в Ленинграде, ф. 880, оп. 5, ед. хр. 252.

¹⁴ ՍՍԽՄ Գրականության և արվեստի պետական արխիվ, ֆոնդ 660, օպ. 1, № 318:

¹⁵ ՀՍՍԽ ԳԱ Գրականության և արվեստի թանգարան, Ի. Խալաթյանի ֆոնդ, 5-րդ բաժին, № 756:

¹⁶ Հենվելով Գ. Խալաթյանի նամակի, ինչպես նաև Վ. Սուրենյանցի կենսագրության համար խոշոր նշանակություն ունեցող այլ փաստերի վրա, պետք է ենթադրել, որ իր գրած ինքնակենսագրականում Վ. Սուրենյանցը թույլ է տվել մի փոքր սխալ՝ գրելով 1882 թ. (այն հանգամանքը, որ ինքը ևս հիշողությամբ և կասկածելով է գրել այդ թվականը, դրա ապացույցն է այն, որ բնագրում 1882-ի 2 թվանշանը գրված է նախօրոք եղած 0-ի վրա: Այդ հաստատվում է նաև նրանով, որ Գ. Խալաթյանը նկարագրում է իր նամակներից մեկում այդ հանգամանքը: Նա Մյունխենում էր 1881 թ. հունվար-մայիս ամիսներին:

¹⁷ Օ տ տ ո Ջ ե լ ա ց (1843), գերմանացի նկարիչ-ժանրիստ:

Վ. Սուրենյանցի քույրը Յու. Սուրենյանցը, նկարչի ստեղծագործությունների 1931 թ. ցուցահանդեսի կատալոգում հիշատակում է, որ Վ. Սուրենյանցը սովորել է Կաուլբախի մոտ, որը կարող էր լինել Ֆրից (Ֆրեդերիկ) Ավգուստ ֆոն Կաուլբախը, որը իրոք այդ տարիներին դասավանդում էր Մյունխենի Դեղարվեստների ակադեմիայում, սակայն վերջերս հայտնաբերված մի ուշագրավ փաստաթուղթ առավել լուսաբանում է այդ հարցը։ Լենինգրադի Սալտիկով-Շչեգրինի անվան պետական հանրային գրադարանի ձեռագրային բաժնի Ն. Պ. Սոբկոյի ֆոնդում պահպանվել է մի բացիկ-նամակ Վ. Սուրենյանցի ձեռագիր տեքստով, ուր նա, հավանաբար պատասխանելով Ն. Պ. Սոբկոյի հարցերին, գրում է¹⁸.

„Род. в 1860 г. в Ахалцихе (Тифл. губ.). Первоначальное образование получил в „Лазаревском институте восточных языков“ в Москве, откуда в 1876 г. на средства того же института был определен в Московское училище живописи, ваяния и зодчества. В 1879 г. отправился за границу и изучал то архитектуру, то живопись в Германии и Италии. В 1882 г. перешел окончательно по живописи и до 1885 г. работал у Оттона Зейтца в Мюнхенской Королевской Академии художеств. В 1886 г. предпринимал ряд путешествий с художественной целью по Персии и Закавказью и с 1892 г. поселился в Москве“¹⁹.

Օտտո Ջեյտցը իր ուսանողների մեջ սեր էր առաջացնում դեպի կենցաղային նկարչությունը, բնության ուսումնասիրությունը, միաժամանակ ստիպում էր, որ նրանք ուսումնասիրեն և ընդօրինակումներ կատարեն գեղարվեստի անցյալի վարպետների ստեղծագործություններից, որոնցով այնքան հարուստ էր Մյունխենի հին Պինակոտեկան։ Վ. Սուրենյանցի այդ տարիներին ալբոմներում պահպանվել են թերթիկներ, որոնք պատկերում են Ռեմբրանդտի «Ծերունի հուլանդացու դիմանկարը», Ռուբենսի «Քնած Դիանան» նկարից կենտրոնական դետալը (ցածում գրված «Rubens P. Venus»), «Ահեղ դատաստանից», Բրոուների²⁰, Ուդեի²¹ ստեղծագործություններից զանազան ֆիգուրներ, Ֆորտունի²² նկարից, Բենեժամեն Կոնստանից²³ և անգլիական «London news» լրագրից մի շարք արևելյան տիպեր, ինչպես նաև առանձին փոքր կտավների վրա ընդօրինակումներ Վան-Դեյկից և Մարիլիոյից։ Ընդօրինակումները կատարված են լուղաներկով, գրչով և մատիտով։ Ուշագրավ է հեգինակի ուշադրությունը պատկերվող անձնավորություն բնորոշ դիմագծերի և հատկապես տարազների վերաբերյալ հարցում։

Իր նյութական վիճակն ապահովելու համար—Հակոբ Սուրենյանցի բազմաճյուղյա ընտանիքը նյութապես այնքան էլ լավ վիճակի մեջ չէր—Վ. Սուրենյանցը ստիպված է լինում հալոց և ոռոսաց լեզվի մասնավոր դասեր տալ։

¹⁸ Ն. Պ. Սոբկոն պատրաստել էր հրատարակության «Словарь русских художников» աշխատանքը, որը լրիվ չի հրատարակվել։

¹⁹ Լենինգրադի Սալտիկով-Շչեգրինի անվան հանրային գրադարանի ձեռագրային բաժին, Ն. Պ. Սոբկոյի ֆոնդ, № 641, բացիկի վրա փոստի կնիքն է, 1896 թ. 15/5։

²⁰ Բրոուներ Ադրիան (1606—1638), ֆլամանդացի խոշոր նկարիչ։

²¹ Ուդե Ֆրից, Ֆոն (1848—1911), գերմանացի նկարիչ։

²² Ֆորտունի Մարյան (1838—1874), իսպանացի նշանավոր նկարիչ և փորագրող։

²³ Կոնստան Բենեժամեն Ժան Ժոզեֆ (1846—1902), ֆրանսիացի նկարիչ—մանկավարժ։

Այդ նույն ժամանակ Վ. Սուրենյանցը կատարում է մի խոշոր կոմպոզիցիոն աշխատանք հայկական կյանքից, որի անունն անգամ մեզ չի հասել, սակայն հայտնի է, որ ուսանողական ցուցահանդեսից այն դնվել է 800 մարկով: Դա մի խոշոր բարոյական օգնություն էր, որը ստեղծագործական թևեր է տալիս պատանի արվեստագետին:

Ճարտարապետություն ֆակուլտետը թողնելու և ապագայում նկարիչ դառնալու միտքը անակնկալ հարված է լինում Հակոբ Սուրենյանցի համար: Բուրժուական սահմանափակ հասկացողությունը նկարչի անապահով վիճակի մասին ստիպում է նրան բազմիցս գրել որդուն ևտ կանգնելու այդ քաջից, սակայն Վարդգես Սուրենյանցի համար կյանքում այլևս այլ նպատակ չկար: Եւս նկարիչ ևմ է չեմ ուզում ընկնել երկու բանի ետևից: Ես դիվետանտ չկամիմ լինել նկարչության մեջ: Վերջապես դեպի ճարտարապետությունը չունեմ այն համակրությունը, այն ձգտումը, որ կարողանամ ինձ համար (ստեղծված) դժվարությունները հաղթելով ավարտելը,—հայտարարում է նա Գ. Խալաթյանին, երբ վերջինս, ճանապարհորդելով Եվրոպա, Մյունխենում, առաջին իսկ օրը լինում է Վարդգես Սուրենյանցի մոտ և Հակոբ Սուրենյանցի հանձնարարությամբ համոզում է նրան թողնել նկարչությունը: Իր գրույցների արդյունքների մասին Գ. Խալաթյանը գրում է իր եղբորը՝ Մոսկվա:

Այդ նամակից պարզվում է, որ առաջին նկարի անսպասելի հաջողություններից հետո Վարդգես Սուրենյանցը, ռեգերոված զանազան փալլուն գաղափարներով ապագայի մասին, նախաձեռնում է երկրորդ աշխատանքը արևելյան կյանքից, մտադիր լինելով նրա վաճառքից առաջացած գումարով ճանապարհորդել Կովկաս, հատկապես Հայաստան և ավելի մոտիկից ծանոթանալ հայ ժողովրդի կյանքին: Այդ գրույցների ժամանակ Գ. Խալաթյանն ինքն է համոզվում, որ Վարդգեսի ընտրած ուղին ճիշտ է, որովհետև նա համոտ է արևելյան ոճին—արևելյան կյանքը, արևելքի զգեստները, կարասիքը, նիստ ու կացը, արևելյան տիպերը, կոլորիտը—ինչպես երևում է ուսումնասիրել է նա և ահա մի ասպարեզ, մի շրջան, որ շատ սակավ ծանոթ է այստեղի նկարիչներին և որը իր ձեռքում մի տեսակ գաղտնիք է: Ըստ իս՝ ցանկանալու է միայն, որ նա իր նկարչության մեջ առաջանա, անուն հաստատի²⁴: Գ. Խալաթյանի այն հարցին, որ ավարտելով գեղարվեստի ակադեմիան, նա հնարավորություն չի ունենա Ռուսաստանում որևէ տեղ աշխատանքի ընդունվելու, Վ. Սուրենյանցը համոզում է, որ եթե ինքը ցանկանա որևէ աստիճան ստանալ, ապա կարող է իր դիպլոմային աշխատանքը ներկայացնել Պետերբուրգի Գեղարվեստների ակադեմիային, որը նրան առաջին կամ երկրորդ կարգի նկարչի կոչում կշնորհի, իսկ դա իր հետ կբերի նաև պաշտոնական իրավունքներ: Եվ այդ կարգի լավատեսական հեռանկարներով էր տարված մի երիտասարդ, որն այդ օրերին նստած էր առանց կոպեկի, 250 մարկից ավելի պարտքով, ակադեմիայի լսարանները հաճախելու վարձը ամիսներով չվճարած, սակայն հաստատ կանգնած իր ընտրած ուղու վրա: Արհամարհելով ամեն տեսակի դժվարություններ, նա ցերեկները լինում է ակադեմիայում, իսկ օրվա երկրորդ կեսը նվիրում է ձեռնարկած նոր նկարի ավարտմանը: Վերջացնելով աշխատանքը, նա այդ ստեղծագործությունը ևս մեծ հաջողությամբ վաճառում է:

²⁴ ՀՄՍԻ ԳԱ Գրականության և արվեստների թանգարան, Գ. Խալաթյանի ֆոնդ, Երգրածին, № 20:

«րից ստացած գումարը հնարավորություն է ստեղծում հետևել Օտտո Զելյացի խորհուրդներին և ճանապարհորդել Իտալիա: Ծանապարհորդությունը տեղում է ավելի քան 8 ամիս՝ 1881 թ. փետրվարից մինչև հոկտեմբեր: Այդ ճանապարհորդության ժամանակ Վ. Սուրենյանցը լինում է Միլանում, Ֆլորենցիայում, Հռոմում: Մոտ 2 ամիս ապրում է Վենետիկի Ս. Լազարի կղզում, որտեղ նրան հիմնականում հրապուրում են Մխիթարյանների հարուստ գրադարանը և մասնավորապես՝ այնտեղ պահպանվող հայկական միջնադարյան ձեռագրերը²⁵: Այդ ձեռագրերի մանրակարներից Վ. Սուրենյանցի կատարած ընդօրինակումները մեզ չեն հասել, սակայն հայտնի է, որ մի շարք աշխատանքների թվում, նա ընդօրինակել է նաև 902 թ. Մլքե թագուհու ձեռագիր ավետարանից «Փրկիչը գահի վրա» և «Տիրամայրը սուրբ Խաչով անհրաժեշտների հետ», 1288 թ. ձեռագիր ճաշոցից «Լեոնային քարոզ», «Մեղավոր կինը», «Լեոն 2-րդ թագավորի դատը» թերթիկները, բազմաթիվ գլխագրեր և սկզբնադարձեր, որոնց նա խնամքով պահպանել է և մի շարք ալլ աշխատանքների հետ միասին ցուցադրել է 1898 թ. պատմական նկարիչների ընկերության 3-րդ ցուցահանդեսում: Իտալիա կատարած ճանապարհորդությունից Վ. Սուրենյանցն իր հետ բերում է բազմաթիվ ջրաներկ էտյուդներ, որոնցից մի քանիսը պահպանվել են, ինչպես օր. «Հռոմի մի անկյուն», «Վենետիկ, Գոլեոնի հուշարձանը», «Վենետիկի մեծ ջրանցքը» և զանազան ալլ տեսարաններ, որոնցում առաջին հերթին աչքի է ընկնում Սուրենյանց-ճարտարապետի ձգտումը, ուսումնասիրել հեռանկարի հետ կապված զանազան հարցեր, իսկ մյուս կողմից Սուրենյանց-նկարչի հետաքրքրությունը՝ տվյալ հուշարձանի կամ կոթողի ճշմարտացի վերարտադրումը, որոնցում նա իրեն դրսևավորում է նաև որպես ջրաներկի տեխնիկային տիրապետող նկարիչ:

Ծանապարհորդությունից բերած էտյուդները, Վ. Սուրենյանցը ցուցադրում է ուսանողական հերթական ցուցահանդեսում, արժանանալով մասնագետների բարձր գնահատականին: Այնքան մեծ է լինում նրա ուսուցիչներից մեկի²⁶ հիացմունքը իր ուսանողի առաջադիմության և հաջողության առթիվ, որ խրախուսական մի նամակ է գրում Մոսկվա Սուրենյանցի ընտանիքին, շնորհավորելով նրանց Վ. Սուրենյանցի ճիշտ ընտրած ուղու համար: Այդ հաջողությունները շատ քիչ են նպաստում Վ. Սուրենյանցի նյութական վիճակի բարելավմանը: Ընկերների խորհրդով և դասախոսների միջնորդությամբ նա սկսում է գծանկարներ և ծաղրանկարներ կատարել Մյունխենում հրատարակվող նշանավոր «Fliegen de Blätter» («Թռուցիկ լրագիր») համորիստական թերթի համար: Հնարավորություն չենք ունենել այդ աշխատանքները տեսնելու, սակայն անկասկած է, որ նրանք նպաստել են Սուրենյանցին

²⁵ Սուրենյանցի դրադարանի գրքերից պահպանվել է նաև Ղ. Ալիշանի «Շիրակ» աշխատությունը, հրատարակված 1881 թ., որի վրա հեղինակը գրել է՝ «Առ ազնիվ պարոն Վարդգես Սուրենյանց հեղինակից»:

²⁶ Յոս. Սուրենյանցը 1931 թ. կատալոգի առաջաբանում հիշատակում է, որ հաուլթախն է գրել այդ նամակը՝ Հնարավոր է նաև այդ հանդամանքը, քանի որ այդ ժամանակ Մյունխենի Գեղարվեստի ակադեմիայի նշանավոր դասախոսներից էր Ֆրից Ֆրեդերիկ Ավդուստ ֆոն Կաուլթախը (1850-), պատմական նկարիչ Ֆրեդերիկ Կաուլթախի որդին: Սակայն հնարավոր է նաև, որ այդ նամակը ուղարկել է Օտտո Զելյացը:

²⁷ Մոսկվայի Վ. Ի. Լենինի անվան հանրային գրադարանում պահպանվել են այդ թերթի մինչև 1879 թ. համարները, իսկ Լենինգրադի Սալտիկով-Շչեդրինի անվան հանրային գրադարանում հնարավոր է եղել թերթել 1883—1884 թթ. համարները:

կյանքի այս կամ այն երևույթները ավելի խոր և ուշադիր ուսումնասիրելուն՝ Մյունխենում կատարած Վ. Սուրենյանցի գունանկարչական աշխատանքներից մեկ հասել էր մի «Ծերունի բնորդի դիմանկար»²⁸, որն աչից վերևում ունի նկարչի հայերեն ստորագրությունը և կատարման 1883 թվականը։ Դիմանկարը հետաքրքիր է իր ձևերի պնդությունով և հատկապես կերպարի ներքին դրամատիզմով, որն հանգստություն արտաքին քողի տակ հանդես գալով, բնորոշ է Վ. Սուրենյանցի հետագա բոլոր ստեղծագործություններին։ Նկարի ընդհանուր կոլորիտը ակադեմիզմի գորշ շագանակագույնն է, սակայն այդ շագանակագույնի հետ առկա ծոց արծաթավուն տոները իրենց մեջ կրում են Վ. Սուրենյանցի արվեստի հանգիստ, արծաթագույն կոլորիտի նախադրյալները։

Վ. Սուրենյանցի Մյունխենյան շրջանի մասին հայտնի է նաև, որ նա մտերիմ է եղել քաղվեցի երիտասարդ Մուծաֆյանի հետ, որի դիմանկարը (գծանկար), կատարված Մյունխենում, 1883 թ. պահպանվում է Հայաստանի Պետական պատկերասրահում²⁹, Վ. Սուրենյանցի հետ, այդ տարիներին, Մյունխենի Գեղարվեստի ակադեմիայում սովորել է նաև ապագա հունգարացի նշանավոր նկարիչ Ս. Հոլոշին³⁰, իսկ 1883—1885 թթ. դեպի արտասահման կատարած ճանապարհորդության ժամանակ Մյունխենում է լինում և բարեկամանում է Վ. Սուրենյանցի հետ ռուս նկարիչ Ա. Դ. Կիվշենկոն³¹ և իբրև հիշատակ այդ լավագույն օրերի նրան է նվիրում մի բնանկար (ՀՊՊ), վրան մակագրած՝

«В. Я. Суреньяну на память о мюнхенской жизни от А. Кившенок. 7 янв. 1885».

Հաջողությամբ ավարտելով Մյունխենի Գեղարվեստների ակադեմիան, 1885 թ. փետրվարին Վարդգես Սուրենյանցը վերադառնում է Մոսկվա։ Այդ օրերին, կալսերական հնագիտական ընկերության արևելյան բաժանմունքի հանձնարարությունով մի էքսպեդիցիա է ուղևորվում դեպի Պարսկաստան։ Էքսպեդիցիան ղեկավարում է նշանավոր ռուս իրանագետ, Պետերբուրգի համալսարանի պրոֆեսոր Վ. Ա. Ժուկովսկին³², որը մտադիր էր ուսումնասիրել հատկապես Թեհրանի, Սպահանի, Շիրազի և Մազանդարանի շրջանների պարսկական գրականության նմուշները, ֆոլկլորը և ազգագրությունը։ 1885 թ. մայիսին Վ. Սուրենյանցը էքսպեդիցիայի հետ որպես նկարիչ մեկնում է Պարսկաստան։ Այդ ճանապարհորդության ժամանակ նա առաջին անգամ լի-

²⁸ Վերջերս է միայն հայտնաբերվել և գնվել է Հայաստանի Պետական պատկերասրահի կողմից։

²⁹ Մինչև այժմ հայտնի էր որպես «Անհայտ մարդու դիմանկար»։

³⁰ Հոլոշի Սիմոն (1857—1918), ծագումով հայ։ Ավարտելով Կրթությունը Մյունխենում, հիմնադրում է մասնավոր արվեստանոց, ուր հավաքվում էին տարբեր ազգությունների մասնագետներ։ Իր ճանապարհորդության ժամանակ այնտեղ է եղել նաև հայ անվանի նկարիչ Հ. Շամշինյանը, որի դիմանկարը կատարել է Հոլոշին (Հայաստանի Պետական պատկերասրահ)։

³¹ Կիվշենկո Ալեքսեյ Դանիլովիչ (1851—1895), ռուս ռեալիստ նկարիչ։ Հատկապես նշանավոր է նրա «Совет в Филлах» նկարը (1880), որի համար ստացավ արաստանյան իր այդ գործերից։

³² Ժուկովսկի Վալենտին Ալեքսեևիչ (1858—1918), ռուս նշանավոր իրանագետ։ Նրա աշխատությունները խոշոր ներգրում են ունեցել իրանագիտության կողմից համաշխարհային գիտության մեջ։

նում է իր երազած Հայաստանում, տեսնում է նրա ավերակ ու կանգուն հու-
ջարձանները, հիանում այն բնաշխարհով, որը կախարդական հեքիաթի նման
դարձել էր պատանի արվեստագետի երազանքը: Նա տեսնում է Արարատը,
Արաքսը, համարյա ավերակ դարձած հին Ջուղան, անցնում է Թավրիզ, լի-
նում է Ջենջանում, Թեհրանում: 1885 թ. հուլիսին էքսպեդիցիան հասնում է
Սպահան, ուր Վ. Սուրենյանցը կատարում է էտյուդներ, հատկապես կանգ առ-
նելով պատմական ճարտարապետական կոթողների վրա: Այդ էտյուդների
թվում են եղել «Իման Ջադե սրբի գերեզմանը», «Սուլթան Հուսեյն Շահի
մեջլիսի ներքին տեսքը Սպահանում» և այլ աշխատանքներ, որոնց հիմնա-
կան մասը մեզ չի հասել: 1885 թ. անցկացնելով Սպահանում, 1886 թ. գար-
նանը էքսպեդիցիան ուղևորվում է դեպի հարավ՝ Երրազ, ապա Մառանդա-
րանի ոստանի Սարի կենտրոնը և ահա մեկ տարուց ավելի տեղ ալդ ճա-
նապարհորդության ընթացքում, պրոֆ. Վ. Ա. Ժուկովսկին բավականին նյութ
է հավաքում, որոնք հետագայում ի մի են բերվում և հրատարակվում, նրա
կինը՝ Վարվառա Ալեքսանդրովնան բազմաթիվ նյութեր է հավաքում արևելքի
կանանց կենցաղի վերաբերյալ (հետագայում այդ նյութերը Վ. Սուրենյանցը
կօգտագործի Ա. Պուշկինի «Բախչիսարայի շատրվանը» նկարագրող լիս), իսկ
Վ. Սուրենյանցն իր հետ բերում է մի քանի տասնյակ էտյուդներ: Այդ աշ-
խատանքները նա ցուցադրում է միայն 1892 թ. Մոսկվայում՝ «Արվեստները
սիրող ընկերության» էտյուդների 4-րդ ցուցահանդեսում, ինչպես նաև մեկ
այլ նկար՝ «Կաթնավաճառի կրպակը Թեհրանում» (նկարի տեղն անհայտ է)³³
նույն ընկերության 1893 թ. հերթական ցուցահանդեսում: Քննադատներից
մեկը³³ իր դրախտականում տվյալ ընկերության ցուցահանդեսում Վ. Սուրեն-
յանցի նման լուրջորինակ նկարչի հանդես գալը համարում է ուրախալի երե-
վույթ, հիանում է նրա կարողություններով՝ արևելքը հասկանալու և արևելյան
լուրհանադատի օրնամենտը այդ աստիճան վարպետորեն պատկերելու համար:

Վ. Սուրենյանցը, բացի իր հետ բերած էտյուդներից, Պարսկաստանից
վերադառնալուց հետո նրանց հիման վրա կատարում է նոր աշխատանքներ:
Անկասկած այն, ինչը կատարված էր անմիջապես տեղում, ղեկարվեստական
խոշոր արժեք է ներկայացնում: Մեզ հասած այդ կարգի ստեղծագործու-
թյունների թիվը շատ սակավ է. «Պարսկական տան ճակատ Ջուղայում», «Էտ-
յուդ խաչքարով», «Դուռ ստալակտիտով», «Ղոհրուդ գյուղի տեսարան», «Նըս-
տած պարսիկներ», «Երիտասարդ պարսիկի դիմանկար»: Դրանք հետագայում
խոշոր կտավներ ստեղծելու նպատակով կատարած էտյուդներ են, որոնցում
Սուրենյանցը լուրջորինակ ձևով է մոտեցել արևելյան բնաշխարհի պատկեր-
մանը: Վերցնելով կիդիչ արև, կեսօր, արևից շիկացած քարեր, կավե տուն
ամալի, չոր բակով, բոլոր դեպքերում էլ նկարիչը կարողանում է ընկալել այդ
երկրին բնորոշը, հիանալ բնության ամեն մի կտորով և արտահայտել բնության
ներքին տրամադրությունը: Այդ էտյուդներում զգացվում է նաև Սուրենյանցի
համակրանքը դեպի պարսկական արվեստում մեծ տեղ զբաղեցրած ղեղեկի զար-
գարանքները, վիտրամները, դորգերը, որոնք հետագայում կենդանություն
կստանան պարսկական թեմաներով կատարված նրա մի շարք աշխատանք-
ներում:

³³ «Артист». 1892 г., № 25, С. Глаголь, Четвертая выставка этюдов общества любителей художеств.

Վ. Սուրենյանցի ստեղծագործական ժառանգության մեջ խոշոր տեղ են գրավում արևելյան թեմաներով կատարված աշխատանքները։ Այդ կարգի մեզ հասած ստեղծագործությունների թիվը հասնում է մոտ մեկ տասնյակի³⁴։

Պարսկական թեմաներով կատարած ստեղծագործությունների շարքում յուրահատուկ տեղ է գրավում «Սերենադա» նկարը (1888 թ. Հայաստանի Պետական պատկերասրահ), որն ամենայն հավանականությամբ կատարված է պարսկական երգիչների ստեղծագործությունների անմիջական ազդեցության տակ³⁵։

Ընտրած վայրը, հավանական է, Շիրազի նշանավոր Աֆեֆ-Աբադ այգու մի անկյունն է՝ արևելյան ոճի զեղեցիկ ցանկապատով, զեպի վեր խոյացող, լուսնի լույսով ողողված նազելի մշտադալար նոճիներով։ Լճակի մոտ, ջանկապատին հենված, իր հրաբորբոք սիրո երգն է երգում երիտասարդ պարսկուհին... հարավային տաք, ուշ երեկո է... նկարիչը ամեն ինչ պահում է մեկ ընդհանուր տոնի մեջ. ցանկապատը, լճակը, լուսնի սառը շողերը շոյում են նոճիների գազաթների, ֆիգուրաների դեմքերը։ Առաջին իսկ ստեղծագործության մեջ արդեն առկա է Վ. Սուրենյանցի արվեստին հատուկ բնորոշ մի դիմ՝ հասնել իրերի նյութականության, իրերի ֆակտուրայի ափսոսի արտահայտչականության, որն իր գունային նուրբ անցումներով, տոնային լուծմամբ նպաստի նկարի ընդհանուր տրամադրության արտահայտմանը։ Նկարի մեջ ջերմություն, կյանքի հանդեպ ունեցած հիացմունք կա։ Այնտեղ կյանքը պատկերված է զեղեցիկ, պոետիկ շնչով։

1892 թ. ցուցահանդեսում պարսկական էտյուդների և նկարների հաջողություններից ոգևորված Վ. Սուրենյանցը սկսում է աշխատել «Պատանի Հաֆիզը երիտասարդ շիրազուհիներին դովերգում է Մուսելի վարդերը» նկարի վրա, մի թեմա, որը նրա մոտ հավանաբար առաջացել էր դեռևս Պարսկաստանում, երբ 1886 թ. Սուրենյանցն այցելեց Հաֆիզի դամբարանը Շիրազում։ Արվեստը սիրող Մոսկովյան ընկերության 12-րդ ցուցահանդեսում՝ 1892—1893 թթ. ցուցադրված Վ. Սուրենյանցի «Հաֆիզի երգը» անկասկած եղել է նույն թեմայով հետադալում կատարած աշխատանքի առաջին վարիանտը, և նա չի ունեցել այն ներգործությունը, ինչպիսին ունեցավ երկրորդը, որով և պետք է բացատրել ցուցահանդեսի այցելուների ուշադրությունից նրա դուրս մնալը։ Այն, որ Շարժողական գեղարվեստական ցուցահանդեսների ընկերության 24-րդ ցուցահանդեսում՝ 1896 թ. ցուցադրված է եղել այդ նկարի երկրորդ վարիանտը, վկայում է այդ նույն ցուցահանդեսի կատալոգում տպագրված «Պատանի Հաֆիզը» աշխատանքի լուսանկարը, որի ցածում պարզորոշ ընթերցվում է՝ «В. Суреньянец 95»։ Տեսած չլինելով աշխատանքը՝ հնարավորություն չունենք այն բաղմակողմանիորեն վերլուծել³⁶, սակայն հեն-

³⁴ Ընդ մասը մեզ չի հասել։

³⁵ Ժամանակակիցների՝ Ա. Կարինյանի, Ա. Հովհաննիսյանի, Մ. Գևորգյանի, բանավոր վկայությամբ արևելյան երգիչների ստեղծագործությունները եղել են Վ. Սուրենյանցի արուեստ գրադարանի զարդը։ Արվեստանոցում, ընկերների համար, նա հաճախ է ընթերցել Հաֆիզի զադելները, Օմար Նայամի ուղեբաթները, ինչպես նաև Ֆիրդուսու «Շահնամեից»։ Հայերենի, ռուսերենի, անգլերենի, ֆրանսերենի, իսպաներենի, իտալերենի հետ միասին Վ. Սուրենյանցը բաժնի տիրապետում էր նաև պարսկերեն լեզվին։

³⁶ Բանավոր տեղեկություններ կան, որ այդ նկարը գնել է Քարկովի բանկատեր Տերեշենկոն։

վելով վերոհիշյալ լուսանկարի վրա, կարող ենք որոշ գաղափար կազմել նրա մասին: Պարզ է, որ Սուրենյանցին Հաֆիզի կերպարը հրապուրել է որպես ժողովրդի հետ կապված աշուղ, որպես սիրո, գեղեցկության և երիտասարդության երգիչ: Այդ նկարի մասին պահպանվել են մի շարք հետաքրքիր կարծիքներ, հատկապես Վ. Ա. Սերովի և Ի. Ե. Ռեպինի վեճն այդ նկարի մասին: Վ. Սերովը, բարձր գնահատելով Հաֆիզի և նրան ունենդրող աղջկա ֆիգուրաների կատարումները, մնացած բոլոր հարցերում այն հավասարեցնում է «заурядная вещь»-ի աստիճանին³⁷, իսկ Ի. Ե. Ռեպինին հուզում էր այն նորը, որը ցուցահանդես էր բերել երիտասարդ արվեստագետը: Շեշտելով գծանկարում եղած թերությունները, նա միաժամանակ բարձր է գնահատում նկարի ընդհանուր տրամադրությունը, աղջիկների դեմքերի ունակ, բնորոշ պատկերումը: Հուզիչը միայն թեման և նրա մեկնաբանումը չէր: Ռեպինին հիացնում էր նաև գեղանկարչական նոր մոտեցումը: «Оригинальность до странности, сдержанность до сухости, страстная любовь до едва уловимой тонкости деталей», որը նրան դարձնում է «яркий тип возникающей новой школы»³⁸:

Նկարն արժանանում է նաև Վ. Վ. Ստասովի ուշադրությանը: Իր հերթական հոդվածներից մեկում, նշելով արևմտաեվրոպական նկարիչների կողմից այդ թեմային անդրադառնալը, Վ. Վ. Ստասովը «Հաֆիզի երգը» համարում է այդ աշխատանքներից մի քաջ առաջ, շեշտելով և բարձր գնահատելով նկարչի արևելյան ճարտարապետության լավատեղյակ լինելը և նկարի ընդհանուր գունագեղությունը³⁹:

Տարիներ շարունակ Վ. Սուրենյանցին հուզում է նաև Ֆիրդուսու կերպարը:

Վ. Սուրենյանցի կողմից դեպի Ֆիրդուսին և նրա ստեղծագործությունն ունեցած հետաքրքրության արտահայտությունն էր 1902 թ. Եարժական գեղարվեստական ցուցահանդեսների ընկերության 30-րդ ցուցահանդեսում ցուցադրված «Սպիտակ ափրոց» նկարը, որը կատարված է տրիպտիխի ձևով (նկարի անդն անհայտ է)⁴⁰:

Տասը տարի անց, 1913 թ., Եարժական գեղարվեստական ցուցահանդեսների 42-րդ ցուցահանդեսում Վ. Սուրենյանցը ցուցադրում է «Ֆիրդուսին կարդում է իր «Շահ-Նամեն» Մահմեդ Ղազնևցուն» պատկերը (Հայաստանի

³⁷ «И. Е. Репин», т. 2, стр. 167. «Воспоминания А. В. Жиркевича».

³⁸ И. Е. Репин, Нужна ли школа искусств в Тифлисе?, «Кавказ», 1897 г. № 7—8. Ինքը Վ. Սուրենյանցը բարձր էր գնահատում Ի. Ռեպինի կարծիքն իր մասին: Այդ մասին է վկայում վերջերս հայտնաբերված Վ. Սուրենյանցի մի ինքնագիր նամակը, ուր նա հենվում է Ի. Ռեպինի կարծիքի վրա (ՀՊՊ, ֆոնդ 38):

³⁹ В. В. Стасов, Заметки о 24-й выставке передвижников, «Новости и Биржевая газета», 1896, № 60.

⁴⁰ Լուսանկարը տեղավորված է՝ 1. «Каталог 30-й выставки Товарищества передвижных художественных выставок», 1902 г. с. «Բաները զրականության և արվեստի», Ա. գիրք, 1903:

Վերջերս հայտնաբերված է մի զուգավոր ռեպրոդուկցիա, որտեղ պատկերված է պարսկական կյանքից վերցված մի անորոշ տեսարան: Աջի ցածում պարզ ընթերցվում է В. Суренянц, թերևս դա Վ. Սուրենյանցի «Էջ Շահերազադեից» աշխատանքն է, որը կատարվել է 1895 թ.:

Պետական պատկերասրահ⁴¹), որով թվում է, թե նկարիչն ամփոփում է իր մտորումները արևելյան երգիչների կերպարների պատկերավորման հարցում⁴²:

...Ֆիրդուսին կարդում է իր «Շահ-Նամեն»: Շուրջն ամեն ինչ քարացած է և գահին նստած շահը, և նրա ոտքերի մոտ բազմած հովազը, և գահի մոտ կանգնած մանկավիհները, և երկու կողմում շարված պալատականները: Պալատականների խորամանկ, իսկ երբեմն ոչինչ չասող, բռնի հայացքները, սառը, աղոտված հայացքով շահը, նրա ուժի սիմվոլ՝ հովազը, արտահայտում են այն կյանքը, որը արևելյան բազմերանգ դույներով շարադրված է Ֆիրդուսու ձեռքին բռնած թերթիկներում: Պատկերի կոմպոզիցիայի ստեղծման ժամանակ Վ. Սուրենյանցը առաջնորդվում է միզանցիների և բեմական դեկորների կառուցման սկզբունքով, որը ավելի է շեշտում մոմենտի պայմանականությունը:

Աշխատանքը ուշադրով է հատկապես կատարումով: Դա արդեն 90-ական թվականների Վարդգես Սուրենյանցի հանգիստ, նկարի բոլոր դետալները ամենայն մանրամասնությամբ մշակած գունանկարչական մոտեցումը է, որը, ինչպես երևում է, դուր չէր գալիս հենց իրեն՝ նկարչին: Այդ մասին վկայում է իր հոգիվածում նաև Խ. Վերմիշը:

«Слишком у меня выходит отделанно, чисто и гладко во всех частях, — возражал он на мои похвалы, — это недостаток, потому что картина должна выражать жизнь так, как она представляется нашему взору. Очевидно, раз вы рассматриваете лицо человека, вы не можете видеть всех подробностей его костюма, заплатки на его сапогах или шва на его брюках. Эти второстепенные предметы, не находящиеся в поле вашего фиксированного зрения, видны вам в самых общих чертах. И в таком виде и надо изображать их на полотне. Центральное, главное должно быть точно, отчетливо, тщательно, все остальное в общих чертах»⁴³.

Վարդգես Սուրենյանցի հետագայում կատարած աշխատանքներում այլևս չենք հանդիպում ճարտարապետական զարդանկարների մոզաիկայի, գորգերի, վիտրաժների այնպիսի կատարյալ մշակման, որպիսին առկա է «Ոսնակոխ արված սրբություն», «Ալհամբրա», «Շամիրամն Արա Գեղեցիկի գիսի մոտ», «Թափորի ելքը էջմիածնի եկեղեցուց» և այլ աշխատանքներում, որոնց դիտելուց հետո հիացմունքի հետ մնում է նաև անբացատրելի զարմանք նկարչի կարողությունների հանդեպ:

Կյանքի վերջին տասնամյակներում կատարված ստեղծագործություններին («Ջաբել թագուհու վնասվածք գահին», «Սալոմեն», «Կինն-ասպետ», «Ա. Իդիսոնի դիմանկարը» և այլն) հատուկ են գունանկարչական նոր ձևեր, նոր

⁴¹ Նկարը մինչև այժմ հայտնի էր «Ֆիրդուսին կարդում է իր «Շահ-Նամեն» Մահմեդ 2-րդի համար» անվան տակ, սակայն հայտնի է, որ սուլթան Մահմեդ 2-րդը թուրքական սուլթան է և ապրել է 1785—1839 թթ., իսկ Ֆիրդուսու ժամանակ ապրած Մահմեդը՝ Դադեկացին է (983—1039):

⁴² 1902 թ., «Новое обозрение» թերթի № 6102 է. Վերմիշի «Նամակ Պետերբուրգից» թղթակցությունից պարզվում է, որ Վ. Սուրենյանցը, դեռևս մինչև 1902 թ. կատարել է մեկ ուրիշ աշխատանք նվիրված Ֆիրդուսուն, որտեղ Ֆիրդուսին «перед шахским двором, в вдохновенной позе, поощряемый благоволящей, ласковой улыбкой своего учителя Дзльи, декламирует „Шах-Наме“». Նկարի տեղն անհայտ է:

⁴³ Ն ու յ ն տ ե գ ու մ:

հնարներ: Թվում է նկարիչը որոնումների մեջ է: Նախկին հարթ, հանդիսաքսովածքներին, կիսատոներով լուծված ֆորմաներին փոխարինում են գունալին գծերի հետաքրքիր համադրություններ, որոնք պահպանվում են մեկ տոնի մեջ, լրիվ օգտագործվում է կտավի բաց շաղանակագույն ֆոնը, մի մեթոդ, որը հատկապես հասուկ է Վ. Սուրենյանցի պրաֆիկական աշխատանքներին: Զարդանկարների, զգեստների նախշերի պատկերումները ստանում են լուրջորինակ հնչեղություն, նրանց մանրակրկիտ մշակումը ալլես չի հրապուրում նկարչին: Առաջնահերթ խնդիր է դառնում գունանկարչական ընդհանրացնող մեթոդը:

«Ֆիրդուսին կարդում է իր «Շահ-Նամեն» Մահմեդ Ղազնևացուն» աշխատանքի մեջ գծային համադրություններով ստացված միջավայրի և տարագների միջից թվում է, թե հեղինակը դիտողին է մատուցում զուսպ, արտահայտչականություն հագեցած դեմքերը: Ռեալիստ նկարչի համար գեղանկարչական նոր պոիտիկները ևս միայն մեկ նպատակ ունեն՝ մարդկային հույզերի, ապրումների վերհանումը, այսինքն՝ այն դերիշխույ հոգեբանական ներքին գիծը, որը դրված է Վ. Սուրենյանցի բոլոր ստեղծագործությունների հիմքում:

Պարսկաստան կատարած ճանապարհորդությունից հետո, 1889 թ. սեպտեմբերին, Վ. Սուրենյանցը հրավիրվում է Էջմիածին, Գևորգյան ճեմարանը, որպես նկարչության ուսուցիչ: Այդ հրավերն իրականացվում է բանաստեղծ Հովհ. Հովհաննիսյանի օժանդակությամբ, որն այդ ժամանակ ճեմարանում դասավանդում էր ուսաց լեզու և ընդհանուր մատենագրության պատմություն⁴⁴: Այդ ժամանակաշրջանից պահպանվել են հետաքրքիր փաստաթղթեր, որոնցից մեկը գտնվում է Հայաստանի Պետական Ձեռագրատանը և ունի հետևյալ բովանդակությունը.

«Առ վանական կառավարության
Մայր Աթոռ Ս. Էջմիածնի:

Նորին վեհափառության Տ. Տ. Մակար սրբազնագույն կաթողիկոսի Ամենայն Հայոց հրավիրյալ ի Մոսկովայի որպես ուսուցիչ նկարչության աշակերտաց ճեմարանի պ. Վարդգես Սուրենյան, բարձհաճյալ է նշանակել նմին տալիս թոշակ ուրբի 66 ի վանական կառավարությունը բարեհաճ եղևք հատուցանել ի հաշիվ հունվար ամսո 1890 ամի, վաթսուն և վեց ուրբի (66 ո 65 կ.) և վաթսուն և վեց կոպիկս վասն հանձնելու պ. Վարդգես Սուրենյան:

Տեսուչ ճեմարանի Ն. Ա. Ն.

վարչության ճեմարանի Ռ. Ռուբինյան»⁴⁵:

⁴⁴ Հավանական է, որոշ դեր է խաղացել նաև նկարիչ Եղիշե Թադևոսյանը, որը այդ ժամանակ արդեն սովորում էր Մոսկովայի նկարչության, բանդակագործության և ճարտարապետության ուսումնարանում և ապրում էր Վ. Սուրենյանենց տանը:

Լենինգրադի մարզի Պետական պատմական արխիվի «Պետերբուրգի հայկական եկեղեցիների գույքերի պահպանման կառավարչության խորհրդի» ֆոնդում պահպանվում են Վ. Սուրենյանցի մորը՝ Իսկուհի Սուրենյանցին թոշակ նշանակելու գրադրությունները, որ կա 1889 թ. դեկտեմբերի 13-ին Էջմիածնից Պետերբուրգ ուղղված հեռագիրը՝ հետևյալ բովանդակությամբ. «Повелением верховного патриарха . Вардгес Суренянц вызван в Эчмиадзин. Распорядитесь выслать немедленно Московскому духовному правлению 150 руб. путевых для выдачи Суренянцу. Член синода епископос Нерсес. Ներսես Խոզովերդյան Եղիշե Թադևոսյանի քսին էր, որն անկասկած որպես արվեստասիր մի անձնավորություն, խոշոր դեր է խաղացել այդ հարցում:

⁴⁵ ՀՍՍՌ Պետական Ձեռագրատուն, Գևորգյան ճեմարանի արխիվ, թղթ. 38, վավ. 1:

1890 թ. Վ. Սուրենյանցը հասնում է էջմիածին և ստանձնում ցածր դասարանների նկարչության դասերը, իսկ բարձր դասարաններում՝ «Քրիստոնեական արվեստի պատմություն» դասախոսությունները⁴⁶։ Վ. Սուրենյանցին ճեմարանում ուսուցչություն ստանձնելը անհրաժեշտ էր, նախ՝ նյութական ապահովության համար, իսկ մյուս կողմից նրան հրավերում էին արվեստի պատմության վերաբերյալ դասախոսությունները, որոնք հնարավորություն էին ստեղծում այդ բնագավառում ունեցած հարուստ գիտելիքները մատուց սերունդին հաղորդել և նրանց մեջ սեր առաջացնել գեպի արվեստը։

Էջմիածնում Վ. Սուրենյանցը մեծ ոգևորություն է առնում և լինում նաև վանքի հարուստ դրաղարանում պահպանվող ձեռագրերի ուսումնասիրմանը, քննարկելով թվումներ է կատարում ձեռագրերի մանրանկարներից, որոնցից 989 թ. էջմիածնի և 1236 թ. ավետարաններից, ինչպես նաև 1647 թ. ճաշոցի առանձին մանրանկարների ընդօրինակումները նա ցուցադրում է 1898 թ. Մոսկվայում բացված պատմական նկարչության ընկերության 3-րդ ցուցահանդեսում⁴⁷։

Վ. Սուրենյանցը ընդունում է նաև Մակար կաթողիկոսի առաջարկը մալրատաճարի ներսի վերանորոգումները կատարելու, որի համար նա ընդօրինակում է տաճարի ներսի որմնանկարները, թվով 130 էջ, որոնց տեղը հնարավոր չեղավ պարզել⁴⁸։

Վ. Սուրենյանցին հանձնարարվում է նաև վանքի խցերի և ապագա վանհարանի համար նախագծի պատրաստումը, սակայն էջմիածին է գալիս ճարտարապետ Ֆ. Ետերնը, և այդ նախագիծը կաթողիկոսը հանձնում է նրան,

⁴⁶ Ա, Բ, Գ բարձր լսարաններում՝ շաբաթական 2 ժամ դասախոսություն։

Գ, Դ, Ե, Ղ ցածր լսարաններում՝ 2-ական ժամ նկարչություն։ Ընդամենը 6 ժամ (ՀՍՍՌ Պետական Ձեռագրատուն, Գեորգյան ճեմարանի արխիվ, թղթ. 38, վավ. 1)։

ՍՍՌ ԳԱ-ի Գրականության և արվեստի թանգարանի Վ. Սուրենյանցի ֆոնդում պահպանվել են այդ առարկայի ծրագրի 2 սեպտեմբեր օրինակները, իսկ Հայաստանի Պետական Ձեռագրատանը՝ 1 օրինակ։

⁴⁷ Վ. Սուրենյանցի էջմիածնում անցկացրած տարիների մասին հետաքրքրական է նաև հետևյալ փաստը. Հովհաննես Հովհաննիսյանը Վաղարշապատից 1890 թ. ապրիլի 29-ին գրում է Մկրտիչ Բարխուդարյանին.

«Մեծն իտալիո թագաժառանգը եկավ. վեհափառը մի շաբաթ նրա այնտեղ գալուց առաջ Վարդգեսին ուղարկեց Սեան Սուքիաս եպիսկոպոսի հետ պատրաստություն տեսնելու Սեանում՝ նրա ընդունելության համար և հրավիրելու էջմիածին»։

Այդ մասին կարգում ենք նաև «Արարատի» 1899 թ. մայիսի 31-ի համարում. որից պարզվում է, որ նրանք եղել են ելննովկայում, ուսումնասիրել են կղզին, ճարտարապետությունը, որոնց մասին իտալիերեն լեզվով մանրամասն տեղեկություններ է տվել Վ. Սուրենյանցը։

⁴⁸ Ուշագրավ տողեր կան այդ մասին Գրեգին Ա. կաթողիկոսի Անթիլիասում հրատարակված «Նիւթեր և ուսումնասիրություններ հայ արուեստի և մշակոյթի պատմության» գրքի սյրակ Ե-ում։

«Գրեգինը նաև, որ հանդուցյալ նկարիչ Վարդգես Սուրենյանը գունագարդ նկարած ուներ ծաղկադարձերի մոտիվները, որոնցից օգտվելով պիտի ծաղկադարձեր Ղուկասեանների շինած Սալթայի եկեղեցին հռիփսիմեանց տաճարի ոճով շինուած».

[Այդ աշխատանքները Վ. Սուրենյանցը սկսել է դեռևս 1906 թ.։ Այժմ պահպանվել է գմբեթի տակի որմնակարի մի փորձիկ հատվածը։ Վ. Սուրենյանցի գերեզմանը զբոսնում է նույն եկեղեցու աջակողմում։ -- Մ. Ղ.] Դրանց նախատեսված պահպանվում էին Հոգաբարձության մոտ։ Մեր առաջնորդական այցելությունների ժամանակ իբրև Նոր-Նախիջև-վանի և Ռուսաստանի առաջնորդ փորձեցինք ստանալ և Երևանի թանգարանն ուղարկել ի պահ, բայց չհաջողեցաւ։

որն օտարին հատուկ անտարբերություններ, իր ներկայացված նախագծով հիմնական վերափոխման է ենթարկում հալ ժողովրդի ճարտարապետության լավագույն հուշարձաններից մեկը՝ Վ. Սուրենյանցի հետագա հողվածներից պարզ է դառնում, թե որքան մեծ վիշտ է պատճառել այդ հանգամանքը նրան⁴⁹։

Վ. Սուրենյանցը, գալով էջմիածին, մեծ խոստումներ է ստանում հոգևոր իշխանությունից, ինչպես ինքն է այդ մասին մի փոքր հումորով գրում իր ընկերներից մեկին։

«Երկու անգամ դնացի Վահագանին տեսություն՝ մի անգամ տեսչի հետ՝ իբրև ճեմարանի ապագա ուսուցիչ և հետո ներսևս և պիսկոպոսի հետ՝ իբրև վանքի ապագա պաշտոնյա արվեստից հատակագծանաց և այլոց... մի զարմանալ, Մուրադյանը այստեղ ուսուցիչ էր ամենայն լեզվույն ֆրանսիականացն»⁵⁰։

Մակար կաթողիկոսի մահից հետո սրվում են տարաձայնությունները հոգևորականների և դասատուների միջև, որի հետևանքով մի խումբ ուսուցիչներ ադատվում են պաշտոնավարելուց, որոնց թվում նաև Վարդգես Սուրենյանցը⁵¹։

Վարդգես Սուրենյանցի առաջավոր հայացքների համար էջմիածնի միաբանության շրջանակն անհամատեղելի էր, և ահա, 1891 թ. հունիսին, փակելով իր հաշիվները ճեմարանի ղեկավարության հետ, նա մեկնում է Մոսկվա։

⁴⁹ էջմիածնի տաճարի վերանորոգման կապակցությամբ, իսկ զա սկսվել է ղեկևս Մակար կաթողիկոսի օրոք և ավարտվեց միայն 1956 թ., երբ հիմնական վերանորոգման ենթարկվեց եկեղեցու և մյուս կառուցումների ներսի մասերը, Վ. Սուրենյանցը գրել է մի քանի հողվածներ և ղեկուցադրեր, որոնց մի մասը ժամանակին հրապարակվել է մամուլում։

⁵⁰ ԳԱ-ի Գրականության և արվեստի թանգարան, Վ. Սուրենյանցի ֆոնդ, Վ. Սուրենյանցի նամակը Մկրտիչ Բարխուդարյանին, 1890, 5 փետրվարի։

⁵¹ ՀՍՍՌ Պետական Ջեռագրատուն, Գեորգյան ճեմարանի ֆոնդ, թղթ. 36, վավ. 1.։ Այդ առթիվ 1891 թ. իր բողոքն է հայտնում նաև «Մուրճ»-ը։ Այդ մասին կարդում ենք նաև Կարապետ Կոստանյանի օրագրում ։ ՀՍՍՌ ԳԱ-ի Գրականության և արվեստի թանգարան, Կ. Կոստանյանի ֆոնդ, գործ 422։